

SARS yi engetela siku ro pfala ra nguva yo fayila

Tshwane, 23 Hukuri 2021 – Vukorhokeri bya Xibalo bya Afrika-Dzonga (SARS) byi tsakisiwa hi nhlamulo leyi byi yi kumeke ku suka eka vahakelaxibalo lava rhumeleke mitlheriso ya xibalo xa malinghena ya vona hi voxe ku sukela hi ti1 Mawuwani lembe leri.

SARS yi tsakela ku khensa vahakelaxibalo lava ku va va hlamurile eka xikongomelo xa hina xa kungu xo tlakusa ndhavuko wa nandzeleriso hi ntsakelo.

Hambiswiritano, ku nyika nkarhi eka vahakelaxibalo van'wana nkarhi wo landzelerisa swilaveko swa vona swa xinawu, SARS yi ta engetela siku ro pfala ra nguva yo fayila eka vahakelaxibalo lava nga riki va nkarhinyana ku sukela hi ti 23 Hukuri 2021 ku fikela ti2 N'wendzamhala 2021.

SARS yi lemuka timhaka ta sisiteme leti nhlngano wu nga hlangana na tona, ku katsa na nkucetelo wa tirhiso wa gezi hi ku siyerisana eka vahakelaxibalo leswi endleke swi tika eka vahakelaxibalo ku fayila mitlheriso ya vona.

Tanini mbuyelo, siku ro hakerisa mixupulo eka vahakelaxibalo lava nga fayilangiki mitlheriso ya vona, ri ta engeteriwa no tirhisiwa hi Sunguti 2022.

Hi hlohotela vahakelaxibalo ku tirhisa tichanele ta xidijiti ta xihatla, ku nga eFiling, SARS MobiApp, ku katsa na vukorhokeri bya SMS, lebyi nga na nomboro ya 47222. Hi ku rhumela SMS eka nomboro leyi, vahakelaxibalo va nga buka xitshembisano erhavini ra SARS, ku langutisa loko va fanele ku fayila ntlheriso na vukorhokeri byin'wana.

Webusayiti ya SARS yi ndlandlamuxiwile ku pfumelela vukorhokeri byo tala eka vahakelaxibalo. Mayelana na vuxokoxoko byo tala eka vukorhokeri lebyi, endzela www.sars.gov.za.

SARS yi tshama yi tinyiketerile ku endla swi olova no vevuka eka vahakelaxibalo ku fikelela swiboho swa vona swa xinawu no tshemba leswaku engetelo wa siku ro pfala eka nguva yo fayila ri ta hlohotela vulandzelelanawu exikarhi ka vahakelaxibalo.

Mayelana na vuxokoxoko byo tala, u komberiwa ku tihlanganisa na SARS hi ku tirhisa SARSMedia@sars.gov.za.